



### **RESOLUCIÓN DA ALCALDÍA**

**ASUNTO: OFERTA E SELECCIÓN DE 1 PRAZAS DE PERSOAL LABORAL DE DURACIÓN DETERMINADA PARA PRESTACIÓN DO SERVIZO DE FOMENTO DO EMPREGO NO MEDIO RURAL (APROL RURAL), Ó ABEIRO DO ESTABLECIDO NA ORDE DE 12 DE DECEMBRO DE 2018 POLA QUE SE ESTABLECEN AS BASES QUE REGULAN AS AXUDAS E SUBVENCIÓNS PARA O FOMENTO DO EMPREGO NO MEDIO RURAL (APROL RURAL) E PROCÉDESE Á SÚA CONVOCATORIA PARA O EXERCICIO DO ANO 2019**

O Concello de Mondariz Balneario acolleuse á convocatoria de axudas para a contratación, en réxime temporal de 1 peón forestal, dentro do Plan APROL RURAL 2019 da Consellería de Economía, Emprego e Industria.

Segundo se establece na mencionada na normativa de aplicación, o Servizo Galego de Colocación remitirá a correspondente relación de candidatos, recaendo no Concello a competencia para efectuar a selección entre estes.

O obxecto da presente Resolución é proceder a ofertar as prazas mencionadas, e establece-los criterios para a súa selección.

As prazas ofertadas, teñen as seguintes características:

#### **. PRAZAS: 1 PEÓNS FORESTAIS**

1. Duración: 9 MESES
2. Xornada: Xornada completa.
3. Retribucións Salariais brutas: 1.156,85 €.

O carácter temporal desta praza, unido á necesidade de que a selección se faga dentro dos prazos sinalados pola Consellería de Economía, Emprego e Industria fai que se aproben os seguintes criterios para a selección do persoal, que en todo caso garanten suficientemente os principios de igualdade, mérito e capacidade, de obrigado cumprimento.

Así, de conformidade co sinalado no artigo 21.1.g) da Lei 7/85, e vista a Fiscalización da Intervención, **adoptase a seguinte RESOLUCIÓN:**

1.- Aprobado a correspondente oferta de emprego das prazas antes mencionadas, tendo en conta que só poderán optar a ela os candidatos que previamente remita ó Concello o Servizo Galego de Colocación. Esta oferta de emprego será remitida o Servizo Galego de Colocación



CONCELLO DA MOI HOSPITALARIA VILA DE MONDARIZ  
BALNEARIO

en modelo normalizado da Consellería de Traballo e Benestar.

2.- Aprobado as seguintes bases para a contratación temporal antes referida.

**BASES PARA A CONTRATACIÓN TEMPORAL DE 1 PRAZAS DE PERSOAL LABORAL DE DURACIÓN DETERMINADA FOMENTO DO EMPREGO NO MEDIO RURAL (APROL RURAL), Ó ABEIRO DO ESTABLECIDO NA ORDE DE 12 DE DECEMBRO DE 2018 POLA QUE SE ESTABLECEN AS BASES QUE REGULAN AS AXUDAS E SUBVENCIÓNS PARA O FOMENTO DO EMPREGO NO MEDIO RURAL (APROL RURAL).**

**1ª.- OBXECTO DA CONVOCATORIA.** É obxecto da presente convocatoria a provisión, en réxime temporal, polo prazo de 9 meses, de 1 peóns forestal.

PRAZAS: 1 PEÓN FORESTAL

1. Duración: 9 MESES
2. Xornada: Xornada completa.
3. Retribucións Salariais brutas: 1.156,85 €.

**2ª.- CONVOCATORIA.-** A contratación efectuarase previa oferta xenérica de emprego efectuada a través da oficina do Servizo Galego de Colocación de Ponteareas.

**3ª.- CONDICIÓNS DOS ASPIRANTES.**

**3.1.-Requisitos dos solicitantes:**

a).- Nacionalidade:

- Os españois e nacionais dos Estados membros da Unión Europea.
- O cónxuxe dos españois e dos nacionais doutros Estados membros da Unión Europea, calquera que sexa a súa nacionalidade, sempre que non estean separados de dereito e os seus descendentes e os dos seus cónxuxe sempre que non estean separados de dereito, sexan menores de vinte e un anos ou maiores de dita idade dependentes.
- Persoas incluídas no ámbito de aplicación dos Tratados Internacionais celebrados pola Unión Europea e ratificados por España nos que sexan de aplicación a libre circulación de traballadores.

- Etranxeiros con residencia legal en España

b).- Idade: Ter cumpridos 18 anos de idade.



## CONCELLO DA MOI HOSPITALARIA VILA DE MONDARIZ BALNEARIO

- c).- Titulación: Os aspirantes deberán estar en posesión graduado en educación secundaria obrigatoria ou certificado de escolaridade no seu caso.
- d).- Non padecer enfermidade ou defecto físico que impida ou dificulte o desempeño das funcións propias do posto de traballo. Se acreditará mediante certificado médico oficial, sen prexuízo de supera-lo oportuno recoñecemento médico.
- e).- Non ter sido separado mediante expediente disciplinario do Servizo do Estado, Comunidade Autónoma ou Administración Local nin atoparse inhabilitado para o exercicio de funcións públicas.
- f).- Non atoparse incurso en causa de incapacidade ou incompatibilidade que determine a lexislación vixente.

Aquelas persoas que superen o proceso selectivo, quedarán sometidas ao réxime de incompatibilidades establecido pola Lei 53/84 e demais disposicións ao efecto.

**4º.- FORMA E PRAZO DE PRESENTACIÓN DOS ASPIRANTES.-** Os aspirantes de acordo coa normativa que regula este tipo de axudas serán preseleccionados pola Oficina do Servizo Galego de Colocación de Ponteareas sendo citados por esta para a súa presentación no Concello de Mondariz Balneario. Unha vez preseleccionados pola Oficina de Emprego poderán solicitar participar no proceso selectivo presentando instancia que se xunta a estas bases. O prazo de presentación rematará o día 13 de maio de 2019.

### **5ª.- SISTEMA DE SELECCIÓN**

Tendo en conta as especiais características dos postos e a súa temporalidade, o procedemento de selección dos aspirantes será o concurso-oposición debendo o Tribunal valorar os méritos presentados. Respecto aos méritos computables, será de acordo ao establecido no artigo 14 da Orde de 31 de decembro de 2017.

Terán preferencia, en todo caso, os colectivos con especiais dificultades de inserción laboral e, no seu caso, aqueles que previsen a realización deste tipo de medidas no seu itinerario de inserción profesional, tales como:

- a) Mulleres, en especial aquelas que acrediten a condición de vítimas de violencia de xénero.
- b) Menores de 30 anos, en especial as persoas demandantes do primeiro emprego ou aquelas sen cualificación profesional.



CONCELLO DA MOI HOSPITALARIA VILA DE MONDARIZ  
BALNEARIO

- c) Persoas paradas de longa duración.
- d) Persoas con discapacidade.
- e) Persoas desempregadas que esgotasen as prestacións e subsidios por desemprego aos que tivesen dereito.
- f) Persoas desempregadas maiores de 45 anos.
- g) Integrantes de colectivos desfavorecidos ou en risco de exclusión social, especialmente persoas beneficiarias da renda de integración social de Galicia.

**6ª.-COMISIÓN SELECCIONADORA**

A Comisión Seleccionadora estará integrada polos seguintes membros:

<b>PRESIDENTE:</b>	D. Severino Pérez Melón
<b>VOCALIS:</b>	Dª. María José López Rodríguez
	D. Luís Canabal Liñares
	Dª. Romina Velasco Groba
<b>SECRETARIA:</b>	Dª. Ana Celia Barcia Rodríguez

**7ª.- SELECCIÓN.-** O tribunal reunirse o día 14 de maio de 2019, ás 09:00 horas e realizará a valoración dos méritos alegados polos aspirantes determinando a puntuación que lle corresponda de acordo co seguinte baremo de méritos:

**A) Circunstancias persoais:**

**1.** Segundo o disposto na orde de 31 de decembro de 2018:

- a) Mulleres: 0,5 puntos.
- b) Candidatas Vítimas de violencia de xénero: 0.50 puntos.
- c) Candidatos menores de 30 anos: 0,50 puntos.
- d) Parados de longa duración: 0,50 puntos.
- e) Persoas con discapacidade: 0,50 puntos.
- f) Persoas desempregadas que esgotasen as prestacións e subsidios por desemprego a que tivesen dereito: 0,50 puntos.
- g) Persoas desempregadas maiores de 45 anos: 0,50 puntos.
- h) Integrantes de colectivos desfavorecidos ou en risco de exclusión social, especialmente persoas beneficiarias da renda de integración social de Galicia: 0,50 puntos.



## CONCELLO DA MOI HOSPITALARIA VILA DE MONDARIZ BALNEARIO

Así mesmo realizarase unha proba os candidatos, que poderá ser teórica ou práctica ou teórica-práctica, para determinar o grado de coñecemento das funcións a desenvolver. A proba valorarase ata un máximo de **6 Puntos**.

Os méritos apreciaranse pola Comisión Seleccionadora á vista dos datos alegados e probados mediante a documentación oportuna, polos candidatos.

Aqueles que obteñan a máxima puntuación, logo da valoración dos méritos e a proba práctica de aptitude, serán propostos para as prazas. No caso de que haxa que dirimir un empate para unha praza resolverase a favor do candidato que leve máis tempo sen haber sido contratados en programas de colaboración do Concello de Mondariz Balneario, e, de persistir o empate, aplicando e ponderando os criterios establecidos nas Bases que regulan a concesión de subvencións para Aprox 2019.

Tanto a proposta da Comisión Seleccionadora como a ulterior Resolución de Alcaldía serán notificadas ós interesados mediante a súa publicación no Taboleiro de Anuncios do Concello e na súa páxina Wb.

A Comisión de selección formulará proposta de contratación ó Sr. Alcalde, conforme co art.61-12-c) do R.D. 2568/86, de 28 de novembro.

O aspirante proposto achegarán á Administración, dentro do prazo establecido, os documentos acreditativos das condicións de capacidade e requisitos esixidos na convocatoria; salvo que estes xa foran presentados anteriormente xunto a documentación de participación. O apartado capacidade funcional, deberá acreditarse mediante a presentación de certificación médica ou equivalente.

Os que, dentro do prazo indicado, e salvo os casos de forza maior, non presentasen a documentación ou desta se deducise que carecen dalgún dos requisitos esixidos, non poderán ser contratados, polo que quedarán anuladas todas as súas actuacións, sen prexuízo da responsabilidade en que puidesen incorrer por falsidade nas súas solicitudes de participación.

### **8º. LISTA DE RESERVA**



## CONCELLO DA MOI HOSPITALARIA VILA DE MONDARIZ BALNEARIO

1.- Rematado o proceso selectivo, elaborarase unha lista de reserva, cunha validez de 9 meses dende o inicio do servizo, integrada polos candidatos que, tendo superadas tódalas fases da selección, obtiveran as seguintes mellores puntuación finais as do proposto para ocupa-la praza obxecto da convocatoria. Esta lista empregarase para cubrir as vacantes que se produzan unha vez iniciada a prestación da actividade polos inicialmente seleccionados.

2.- No suposto de que a lista de reserva se esgotara ou que ningún dos seus integrantes estivera dispoñible para a súa contratación polo Concello, procederase a presentar nova oferta no Servizo Galego de Colocación

### **9º.- INCIDENCIAS**

A aprobación das Bases da convocatoria e os actos administrativos que se sucedan poderán ser recorridos nos casos e na forma prevista pola Lei 30/1992, do Réxime Xurídico das Administracións Públicas e do Procedemento Administrativo Común.

Para o non previsto nestas Bases e naquilo que as contradigan, serán de aplicación a Lei, 7/85 do 2 de abril, o R.D. Lexislativo 781/1986, do 18 de abril, o R.D. 896/1991 do 7 de xuño, e demais normas de aplicación.

### **10º.- DOCUMENTACIÓN:**

Documentación a presentar:

- Solicitud en modelo normalizado.

O que manda e asina o Sr. Alcalde-Presidente do Concello, en Mondariz Balneario a data que figura a marxe, ante min, o secretario, que certifico.